

ՆԵՐՍԵՍ ԼԱՍԲՐՈՆԱՅՈՒ ԴԵՍՊՈՆԱԳՆԱՅՈՒԹՅՈՒՆԸ ՈՐՊԵՍ ՇՆՈՐԱԿԼԻՈՎ ՍԿՍՎԱԾ ԲԱՆԱԿՅԱՅԻՆ ՇՐՋԱՓՈԼԻ ԱՎԱՐՏ

Ուսումնասիրողների մեծ մասը Մերձավոր Արևելքում քրիստոնեական եկեղեցիների միջև ժԲ դարում եղած բանակցություններն ու հարաբերությունները դիտարկում են Եկեղեցու և դավանանքի պարամության արևակեպից¹, այնինչ՝ դրանց հիմքում ավելի շարքա-բաժաշխանում արեղի ունեցող քաղաքական և ընկերային-արևեսական արեղաշարժերն են: Միջազգային քաղաքական այս պայքարն իր արարացումն ու շարունակությունն էր գարնում եկեղեցաքաղաքական ասպարեզում: Այսինքն՝ Նայ, Նույն, Ասորի և Լարին եկեղեցիների միջև փոխադարձ դեսպանագնացությունները, ծխադավանաբանական հարցերի ակարիվ քննարկումն ու դրա շուրջ պայքարն իրականությունից կարված գաղափարական երկխոսություններ չէին, այլ նույն այդ իրականության յուրովի արարացումն այս ոլորտում:

Նայրին է, որ Մանուկ Կոմնենոս կայսեր մահից հեկո (1180 թ.) Ալեքս Բ-ի (Մանուկ) գահակալմամբ (1180-1183) Բյուզանդիայում քաղաքական անկայուն վիճակ սրեղծվեց², որը Անդրոնիկոս Ա Կոմնենոսի (Բոնակա) օրոք (1183-1185) վերածվեց ահաբեկությամբ իշխանությունը պահպանելու մոլուցքի: Բնական է, որ այս շրջանում դիվանագիարական եռանդուն գործունեություն չէր կարող ծավալել: Ողջ այս քառսի մեջ միակ լուսավոր դեմքը Թեոդոսիոս Բ Բորողիարես պարրիարքն է (1179-1183), որի նկարմամբ մեծ հիացմունքով է խոսում Նիկեյաս Խոնիակարեսը: Չհանդուրժելով ժողովրդի մեջ պարրիարքի ունեցած հեղինակությունն ու կայսեր կամակարարը չդառնալու նրա անգիջում ընթացքը՝ Անդրոնիկոսը փորձում է հեռացնել նրան գահից³: Սակայն պարրիարքն ինքն է որոշ ժամանակ անց քաշվում մի կղզի, իսկ Անդրոնիկոսը, հարմար պահը որսալով, իր կամակարար մեկին է նոր

1 Տե՛ս Ա. Պաղճեան, Պարմութիւն կաթողիկէ վարդապետութեան ի Նայս և միութիւն նոցա ընդ Նոմնական Եկեղեցոյ ի Փորենրեան սինհոդոսի, Վիեննա, 1878: Ա. Տեր-Միքելեան, Նայ Եկեղեցին և Բյուզանդեան ժողովոց պարագայք, Մոսկուա, 1892: Միջին դարերի կաթողիկոսական ձգարմներն եկեղեցական խաղաղութեան համար, «Արարար», 1893, էջ 27-48: Սմբար եպո. Սաստիլեան, Ներսէս Լամբրոնացի, Անթիլիաս, 1981: Լ. Զէրինան, Նամամիութենական արամախոսութիւն մը ժԲ դարուն, «Բազմավէպ», 1977, թ. 3-4, էջ 591-635: Վ. Վարդանյան, Գրիգոր Դ Տղա Նայրապետը ժամանակի դավանական և քաղաքական խաչուղիներում, «Էջմիածին», 2005, Է-Ը, էջ 85-93: Գ. Միակեյան, История Киликийского армянского государства, Ереван, 1952: А. Арутюнова-Фиданян, Византия и Армения в X-XII вв.: Зона контакта, см. Византия между Западом и Востоком, опыт исторической характеристики, СПб, 2001: Р. Бартикян, К истории взаимоотношений между Византией и Киликийским армянским государством в конце XII в., (արևն Վրա՛ Մ. Բարթիկյան, Նայ-բյուզանդական հեկազարություններ, հ. Բ, Եր., 2002):

2 Տե՛ս Նիկիտա խոնիատ, История начинающаяся с царствования Иоанна Комнина, т. I, (1118-1180), СПб., 1860, с. 288-291: Այս մանուկ կայսեր օրոք երկրի իշխանությունը գործնականում կենարունացած էր պրոպոստեսարոս Ալեքսի ձեռնում, որից էլ խլում է Անդրոնիկոսը՝ իբր անգափահաս կայսերը խնամակալելու մարահոգությամբ րոգորված ազգական, բայց շարք չանցած՝ սպանել է րալիս Մանուկի այրին՝ Քսենիային, և որդուն՝ Ալեքս Բ-ին (անդ, էջ 344-350):

3 Պարրիարքից ոչ այդքան սիրալիք ընդունելություն սրանալուն ի պարասխան՝ գորքով արդեն Կ. Պոլիս մարնող Անդրոնիկոսը պարրիարքին հանդիպելիս ասում է. «Ահա թարքված հայը»՝ նկարի ունենալով հոր կողմից նրա հայկական ծագումը (Նիկիտա խոնիատ, с. 324-326):

պարբերաբար դարձնում⁴: Անդրանիկոս Կոմնենոսի ժամանակ է ողջ կայսրության պարածքով վերսկսվում հայերի հալածանքը: Այս քաղաքականությունը, այն է՝ կայսրության հպարտակ հայ հավաքագյալներին բռնի քաղկեդոնականություն պարտադրելը, սատարվում է Իսահակ Անգելոս կայսեր⁵ իշխանության տարիներին (1185-1195): Այս մասին պարզվում է Վարդանը. «Իսկ ի վերայ Յունաց թագաւորեաց Փիսիկ, որ եւ Սահակ. եւ յարոյց հալածանս եւ չարչարանս հայադաւան ազգաց, զի դարձցին յաղանդ նոցա»⁶:

Բյուզանդիայում փրորդ ընդհանուր քաղաքական քառեր հուշեց Կիլիկիայի իշխան Ռուբենին (1175-1187) բարեկամել հարաբերությունները ֆրանկների հետ խնամիացավ լափիններին⁷, ապա հույներից գրավելով Տարսուսը՝ թշնամացավ նրանց հետ:

Մենք մանրամասն չենք խոսի Լամբրոնի Ներսիսյանների ու Անրիոքի դուքս Բուհեմունդ Գ-ի հետ Ռուբենյան գահակալի պայքարի մասին⁸՝ անդրադառնալով միայն այս շրջանում Նայոց Կաթողիկոսի եւ Իսահակ Անգելոս կայսեր միջեւ կայացած նամակագրությանը, որի մասին հայագիտության մեջ քիչ է խոսվել: Առաջինն այս մասին Լամբրոնացուն նվիրված իր մեմորանդումն է հիշում է Ն. Ալիյանը՝ ասելով, որ 1180-1185 թթ. ներքին քաղաքական խնդիրներով զբաղված կայսրությունը չէր կարող անդրադառնալ Նոմիկայի ժողովի որոշումներին⁹ եւ «հարցը միւս անգամ ձեռք առաւ Իսահակ Բ Անգելոս»¹⁰ (1185-1195), որ գրեց Նայոց թուղթ մը»¹¹, նշելով դրա՝ հույն գիտնական Ա. Պապադոպոլոս Կերամետի հունարեն հրապարակությունը (Կ. Պոլիս, 1881): Այն փաստին, որ այս նամակագրությամբ վերականգնվել են հայ-բյուզանդական փոխհարաբերությունները, անցած դարի կեսերին անդրադարձել է նաեւ բյուզանդագետ Ն. Բարթիկյանը՝ ծավալուն հոդվածներ նվիրելով Իսահակ Անգելոսի նամակին¹²:

4 Անդ, էջ 335:

5 Սմբատ եպս. Սաստեթյանը կարծում է, որ Իսահակ Անգելոս կայսեր դաժանություններն ու հալածանքները հայերի նկատմամբ արդյունք են պաշտոնական մակարդակով հայ-լատին հարաբերությունների սերտացման (տե՛ս Սմբատ եպս. Սաստեթյան, Ներսես Լամբրոնացի, Անթիլիաս, 1981, էջ 76):

6 «Մեծին Վարդանայ Բարձրբերդեցոյ Պարմութին Տիեզերական» ի լոյս ընծայեաց Մկրտիչ Էմին, Մոսկուա, 1861, էջ 175:

7 Տե՛ս Ղ. Ալիյան, Սիսուան, Վենետիկ, 1885, էջ 58: Մադարիա արք. Օրմանեան, Ազգապատում, Ս. Էջմիածին, 2001, էջ 1735: Այս ամուսնությունից ծնված նրա երկու աղջիկները Ալիս եւ Ֆիլիպինեն, բավական հայտնի քաղաքական ամուսնություններ ունեցան: Առաջինը Անրիոքի դուքսի հետ ամուսնացավ, իսկ Ֆիլիպինեն ձեռքը խնդրեց Նիկիական կայսրության կայսր Թեոդորոս Լասկարիսը:

8 Տե՛ս «Սամուելի քահանայի Անեցտ հաաքումն ի գրոց պարմագրաց յաղագս գիւրի ժամանակաց անցելոյ մինչեւ ի ներկայս ծայրաքաղ արարես», Վաղարշապատ, 1893, էջ 140-141: Միքայել Չամչեանց, Պարմութին Նայոց, Կ. Ղ. Վենետիկ, 1786, էջ 141: Ղ. Ալիյան, Սիսուան, էջ 58-59: Մադարիա արք. Օրմանեան, Ազգապատում, էջ 1735: Կ. Մուրադյան, Կիլիկիան կայսրությունների խաչմերուկում, Երևան, 2001, էջ 402:

9 Նոմիկայի ժողովը Ն. Ալիյանը թվագրում է 1177 թ.: Լամբրոնացուն Ալիյանը հակադրվում է նաեւ նրանով, որ ժողովի որոշումներն ու առաջարկությունները «հաղորդուեցան թղթով Բյուզանդիոնի արքունիքին եւ պարբերաբար» (Ներսես Լամբրոնացի, էջ 200), այնինչ Պիտ-ում Լամբրոնացին հայտնում է, որ բանագնացները վերադարձան կես ճանապարհից. «...եւ հասնալ նոցա ի Կեսարիա՝ արգելան վասն խռովութեան ճանապարհի եւ դարձան յերս» (Թուղթ, էջ 201):

10 Ա. Պ. Կաթոնը, հիմք ընդունելով ժամանակակիցների կողմից Իսահակ Անգելոսին «արեւելցի» կոչելը, հավանական է համարում նրա Անգելոս անվան ծագումը հայկական Անգել (Անգելոտուն) տեղանունից (Ա. Պ. Կաթոն, Армяно-византийские заметки, ՊԲՅ, 1971, թ. 4, էջ 102, 106):

11 Ն. Ալիյան, Ներսես Լամբրոնացի արքեպիսկոպոս Տարսուսի (կյանք եւ գրական վաստակները հանդերձ ազգաբանությամբ Պաղատունաց եւ Լամբրոնի Ներսես), Վիեննա, 1956, էջ 200:

12 Յ. Բարթիկյան, Նոր նյութեր Կիլիկիայի Հայկական պետության եւ Բյուզանդիայի փոխհարաբերությունների մասին. «Բանբեր Մատենադարանի», թ. 4, 1958, էջ 285-295 (Սա հետագայում ավելի լրացված հրատարակվել է «Էջմիածին» (թ. 4, 1967, էջ 181) հանդեսում՝ «Իսահակ Անգելոս կայսեր

Վարդան Բարձրերդցին, պարմելով Իսահակի գահակալման և հարուցած կրոնական հալածանքների մասին, ավելացնում է. «Վասն որոյ գրէ առ նա աղերսաւնս պարբիարգն Գրիգոր՝ եղբօրորդի Կրեանն Ներսէսի և Գրիգորի կաթողիկոսացն Տայոց, խաղաղանալ ընդ ժողովրդեանն Ասորւոյ»¹³: Ուսումնասիրողների մեծ մասը, ծանոթ չլինելով նամակի բովանդակությանը, հիմնվում է պարմիչի այս վկայության վրա միայն և կարծում, որ հենց հալածանքները դադարեցնելու նպատակով է Գրիգոր Տղան գրել այս թուղթը¹⁴, այնինչ Իսահակ Անգեղոսի պարասխանից երևում է, որ Գրիգոր Տղայի նամակներից մեկը գրված է հայերեն, իսկ մյուսը՝ արաբերեն: «Այդ երկու նամակով մի բան հայրենեցիք,-գրում է Անգեղոսը,- որ վառվում է քո սիրտը մեզ հետ միանալու սիրով, որի համար այնքան ուրախացել ես»¹⁵: Կայսրը, մեջբերելով Կաթողիկոսի նամակից, գրում է. «... դու քո վրա վերցնում ես այնքան ճանապարհ կտրելով մեզ մոտ գալու հոգևորությունը և մեզ հետ բանակցությունների մեջ մտնելը՝ ավերելով խաղաղություն ...: Դեռ ավելին: Դու գրել էիր նաև, որ եթե նույնիսկ կարող է ճանապարհին հոգևորությունից վախճանվես, այդ դեպքում ես չեմ վարանի կյանքից զրկվելու գնով քեզ ենթակա ժողովրդին փրկել և նրան մեզ հետ միացնել, որպես բարի հովիվ»¹⁶: Տայոց Կաթողիկոսի առաջարկին կայսրը նամակում պարասխանում է. «Միաբանությունը գլուխ բերելու համար թագավորությունս կարծում է, թե շատ ճիշդ էն պահանջվի և ողջարությունների չենք հանդիպի, այլ դա շատ դյուրին և հեշտ է, և ես ամբողջ հոգով ցանկանում եմ այդ»¹⁷: Նշելով, որ «հայերի սուրբ սյունիքներին կամ սուրբ կանոններին» հակասող սովորությունները հարկ է ուղղել, «պետք է անպիտան անկարեւորները կարեւորների համար, անհրաժեշտ է մի քիչ զիջել, որպեսզի մեծ գործը գլուխ գա»¹⁸:

Կայսրը նույնպես անդրադառնում է բյուզանդական կայսրության փրկածը և հատկապես Փիլիպպոսի (այժմ՝ Ղյովդիվ) հայերի նկատմամբ իրագործվող վերջին հիշված հալածանքներին և դրանք դադարեցնելու Կաթողիկոսի խնդրանքին: Այդ հարվածը մեջբերում ենք ամբողջությամբ. «Պարվականությունը գրեց նաև, որ Փիլիպպոսի շրջանում ապրող հայերին իրենց կամքին հակառակ այնպեղի եպիսկոպոսը թագավորությանս հրամանին համաձայն հավարափոխ է անում: Բայց դա այդպես չէ, այդ մասին պարվականությանը իրականությունը չի հաղորդվել: Ընկալ է ասված, որ «արքայություն երկնից բռնադարի» (Մարթ. ԺԱ 12), սակայն պետք չէ, որ մտնենք այնպեղ (արքայություն) ուրիշների բռնությամբ առաջնորդվելու դեպի նա, այլ անհրաժեշտ է, որ բոլորովին կամավոր կերպով

պատասխան մամակը Տայոց Կաթողիկոս Գրիգոր Տղային» վերնագրով, վերահրատարակվել նույն հեղինակի հոդվածների ժողովածուի մեջ՝ **Յրաչ Մ. Բարթիկյան**, Գայ-բյուզանդական հետազոտություններ, հ. Ա, Եր., 2002, էջ 82): Այս մամակին նա անդրադարձել է ռուսերեն հոդվածով. «К истории взаимоотношений между Византией и Киликийским армянским государством в конце XII в.» (տե՛ս **Յրաչ Մ. Բարթիկյան**, Գայ-բյուզանդական հետազոտություններ, հ. Բ, Եր., 2002, էջ 21-25):

13 Վարդան Բարձրերդցի, Պարմություն Տիեզերական, էջ 175:

14 Մ. Օրմանյանն էլ է կարծում, որ նորընտիր կայսրը հալածանքները վերսկսել է գահակալման հենց սկզբից. «Իսահակ Անգեղոս ալ 1185-ին գահակալելով, բոլորովին տարբեր ուղղությամբ բռնեց, ոչ եւս բանակցելով եւ համաձայնելով, այլ բռնութեամբ եւ ուժգնութեամբ Տայերը քաղկեդոնականութեան հպատակեցնելով» (Ազգապատում, էջ 1734): Այս մասին տե՛ս նաեւ **Վ. Վարդանյան**, Գրիգոր Դ Տղա Տայրապետը ժամանակի դավանական եւ քաղաքական խաչուղիներում. «Էջմիածին», 2005, է-Ը, էջ 87-88:

15 **Յ. Բարթիկյան**, Նոր նյութեր Կիլիկիայի Գայական պետության եւ Բյուզանդիայի փոխհարաբերությունների մասին, էջ 288:

16 Անդ:

17 Անդ, էջ 289:

18 Անդ:

ստիպան իրենց եւ անցնեն այդ նեղ (ճամբից)։ Բռն պատվականությունը չկարծե, որ բռնությամբ ենք նրանց բերում մեր կողմը։ Եթե մեր բարոգությունը նրանց ձգում է եւ համոզում եւ կամ նրանք սեփական ձգարմամբ անցնում են մեր կողմը, ապա մեզ չի կարելի մեղադրել բռնության մեջ, այլ պետք է նրանց գովել, ովքեր որ նախընտրում են ավելի լավը, եւ ամենից առաջ պետք է երախտագիտություն հայտնենք նրանց ձգողին...։ Այսպիսի գործերում մարդկային բռնության համար քեզ չկա։ Բայց ինչպե՞ս ես դու անվանում մեր դավանությունը այլ, որին բռնի դարձնում ենք մեզ մոտ ապրող հայերին, երբ մեր հավաքքը, ինչպես որ դու ես վկայում, նույնն է»¹⁹։

Նամակի ընդհանուր ոճը կայսեր բավական պարբերական լինելու մասին է խոսում՝ չնայած որքան կերպեր գիջելու խոսքին գուցանեմ՝ կա նաև բյուզանդական արքունիքին հատուկ ինքնամեծար եւ մյուսներից բարձր լինելը շեշտող ոճը։ Նայ Եկեղեցին երթակայության քակ առնելու հեռավոր ակնարկ կա, երբ ասում է. «Տերն այն աստիճան մեծարեց մեզ, որ ամեն օր ժողովուրդներ եւ ազգեր է երթարկում մեր ուրբերի քակ», իսկ Նայ Եկեղեցուց իրենց բարձր դասելը երևում է նաև հայերի դավանափոխության մասին խոսելիս. «...մեզ չի կարելի մեղադրել բռնության մեջ, այլ պետք է, որ նրանց գովել, ովքեր **նախընտրում են ավելի լավը**»²⁰ (ընդգծումը մերն է - Գ.Ա)»։

Իսահակ Անգելոսի՝ այս նամակագրությունը գործնական բանակցությունների վերաձելու մարտության մասին է փաստում այն հանգամանքը, որ նա նույնիսկ Իկոնիայի եւ Եգիպտոսի սուլթաններին է դիմել, որպեսզի, ինչպես ինքն է հայտնում նամակում, խոչընդոտ չհարուցեն Ա. Պոլիս ճանապարհվող Նայոց Կաթողիկոսին։ Կայսրն անգամ իր ներկայացուցչին է ուղարկում, որպեսզի ուղեկցի Գրիգոր Տղային²¹։ Թե ինչպիսին եղավ բանակցությունների հետագա ընթացքը, կայսեր պատվիրակ Կոստանդին Ամասիացին հասա՛վ Նոմկլա եւ որևէ գործնական քեղաշարժ եղա՛վ այս առումով, պարմական աղբյուրները որևէ քեղեկություն չեն քայլիս։

Ի պարբերություն Շնորհալու օրոք հայ-բյուզանդական բանակցություններում Ա. Պոլսի պարբերության գործուն մասնակցությանը՝ այս դեպքում պարբերաբար դերակատարություն չունի։ Դա թերևս կապված էր այն խառնաշփոթ վիճակի հետ, որ սրելով էր Իսահակ Անգելոսը՝ իր քմահաճությամբ պարբերաբերին գահընկեց անելով ու նորերին նշանակելով։ Այս մասին մանրամասն պարմում է ժամանակակից պարմիչ Նիկեյաա Խոնիկարենը²²։ Այս հիմքի վրա բնական է Գրիգոր Դ Տղայի չվարանելը կայսրին։ Իր Եկեղեցին

19 Ն.Բարթիլյան, Նոր նյութեր Կիլիկիայի Նայկական պետության եւ Բյուզանդիայի փոխարարությունների մասին, էջ 289։

20 Անդ, էջ 289-290։

21 Անդ, էջ 290։ Ի տարբերություն սրան նախորդող եւ հաջորդող գրեթե բոլոր հայ-բյուզանդական բանակցությունների՝ այս ընթացքում բացակայում է պատրիարքի նամակի կամ ընդհանրապես մասնակցության մասին որևէ հիշատակություն։

22 Գահ բարձրանալով՝ Իսահակ Անգելոսն իր հերթին գահընկեց է անում Անդրոնիկոսի դրածո Վասիլի Կամատիրին եւ պատրիարք ընտրել տալիս Նիկեոսիին, որին շատ շուտով հեռացնում է՝ ծեր եւ անօգուտ կոչելով (Никита Хоният, т.2, с.66-67)։ Նրանից հետո պատրիարք է նշանակում ոմն վանական Լեոնտիոսի՝ երդվելով, որ չէր ճանաչում նրան, եւ Աստվածամայրն է գիշերը ցույց տվել, բայց հազիվ մեկ տարի անց սրան էլ է գահընկեց անում։ Եկեղեցական ներքին անկազմակերպության եւ անհետևողականության մասին է վկայում այն, որ կայսերը հաջողվում է ժամանակի լավագույն օրենսգետ համարվող Անտիոքի Թեոդորոս պատրիարքին համոզել խախտելու եկեղեցական կանոնը (պատրիարքական մի աթոռի գահակալը չէր կարող մյուս աթոռին նստել. կար նաև ձեռնադրության ծեսի տարբերություն), խոստանալով

չհարգող գահակալը դժվար թե քրիստոնեական սիրո ու համերաշխության ոգով վերաբերվեր իր դավանանքին չպարկանող եկեղեցուն ու նրա առաջնորդին, եթե քաղաքական իր հաշիվները չունենար՝ օգտագործելու Նայոց կաթողիկոսի հեղինակությունն ի շահ կայսրության նպատակներին: Սա ավելի հասկանալի կլինի, եթե հաշվի առնենք Բյուզանդական կայսրությունում ամենա ներքաղաքական մշտական լարված ու անկայուն վիճակը և օրավուր հզորացող Ռուբինյան իշխանության աճող հեղինակությունը: Սակայն դեպքերն այլ կերպ դասավորվեցին: Պապմիչը հաղորդում է, որ չնայած Գրիգոր Տղայի դիմումին՝ Իսահակ Բ-ն շարունակեց հայերի կրոնական հալածանքները. «Եւ ոչ լուաւ նմա, այլ գլորովս դարձոյց ի կրօնս իւր ևս զայլ հալածանս արար»²³:

Իսահակ Անգեղոսի՝ Կաթողիկոսին ուղղված պատրասխան նամակում մենք տեսնում ենք կայսեր պատրաստակամությունը՝ ընդառաջելու Գրիգոր Տղայի խնդրանքներին ու առաջարկներին: Ուրեմն ի՞նչն է պարճառը, որ նա շարունակում է հայերի հալածանքները: Ուսումնասիրողներից ոմանք կարծում են, որ Գրիգոր Տղան, կայսեր «դավանական ուրմծություններին ի հակակշիռ», փորձեց ձեռք բերել Կաթողիկե եկեղեցու գորակցությունը՝ Նոմի Լուկիոս Գ. պապի մոտ որպես պարվիրակ ուղարկելով Գրիգոր արքեպիսկոպոսին²⁴: Կարելի է ուղղակի կապ տեսնել հայրապետական պարվիրակ Գրիգոր արքեպիսկոպոսի՝ Փիլիպուպոսի հայոց վանքի²⁵ առաջնորդ լինելու և, ինչպես կայսերը հղած կաթողիկոսական նամակից է երևում, հենց Փիլիպուպոսի ու շրջակայքի հայերի նկատմամբ հալածանքներ հարուցելու միջև: Դրա վկայություն կարելի է դիտել այն, որ Նայրապետի նամակից հետո նույնիսկ կայսեր շարունակած հալածանքները ոչ թե նախադրում, այլ հաջորդում են պապի ու Կաթողիկոսի բանակցություններին: Դեսպանագնաց Գրիգոր արքեպիսկոպոսը Նոմ է գնացել մինչև Իսահակ Անգեղոսի գահակալումը՝ Անդրանիկոս Կոմնենոսի իշխանության տարիներին (1183-1185)²⁶:

Բնական է մտածել, որ Բյուզանդական կայսրությունում տիրող քառսի պայմաններում ավելի իրական էր Նոմի հետ համագործակցությունը: Գրիգոր բանագնացի՝ Փիլիպուպոսի արքեպիսկոպոս լինելու հանգամանքը հիշարարկված է միայն Լուկիոս Գ-ի նամակում²⁷:

հենց նրան դարձնել Կ. Պոլսի պատրիարք: Կաշառվելով խոստումից՝ Թեոդորոսը ժողովով փոխում է կանոնը, իսկ Իսահակ կայսրն էլ արդեն փոխված կանոնի հիմքի վրա մոր պատրիարք է օծել տալիս իր թեկնածուին՝ Երուսաղեմի Դոսիթեոս պատրիարքին: Սրան, ինչպես խոսիատեսն է վկայում, բոլորն ատում էին եսասիրության եւ կայսեր կամակատարը լինելու համար եւ մույնիսկ հոգեւորականները փորձում են գահընկեց անել, բայց կայսրը զենքի ուժով թելադրում է իր կամքը (Никита Хоният, т.2, кн. 67-70):

23 Վարդան Բարձրբերդեցի, Պապմուխին Տիեզերական, էջ 175:

24 Տեն Վ. Վարդանյան, Գրիգոր Դ Տղա Նայրապետը ժամանակի դավանական եւ քաղաքական խաջողիներում, էջ 88: Տեն նաեւ Գ. Զարբհանալեան, Մարենադարան հայկական թարգմանությունաց նախնեաց (դար Դ-ԺԳ), Վենետիկ, 1889, էջ 501:

25 Կայսրության հասարակական-քաղաքական կյանքում Փիլիպուպոսի շրջանի հայ համայնքի եռանդուն մասնակցության ապացույց է այն, որ Մանուել Կոմնենոս կայսրը Նոմկալի Նայոց կաթողիկոսարանի հետ բանակցություններում կայսերական պարվիրակության մեջ ընդգրկել էր նաեւ Փիլիպուպոսի հայկական վարի վանահայր Նովիանես Ութմանին (հուն.՝ Աթմանոս): Նրա անձի, գործունեության եւ հայ-բյուզանդական բանակցություններում ունեցած դերի մասին մանրամասն տեսն Ն. Բարթիկյան, Փիլիպուպոսի հայկական վանքի վանահայր Նովիանես Աթմանի դերը հայ-բյուզանդական եկեղեցական բանակցություններում՝ Ներսես Շնորհալի Կաթողիկոսի օրոք (1166-1173). «Էջմիածին», 1985, է. էջ 24-32, նաեւ Ա. Բոգդյան, Նայ-բյուզանդական բանակցությունների վավերագրերը (1165-1178 թթ.), Եր., 1995:

26 Տեն Ա. Բոգդյան, Վավերագրեր, էջ 217:

27 Տեն ՄՄ- 1026, թղ. 175թ (հղումն՝ ըստ Ա. Բոգդյանի հիշյալ գրքի 38 ծնթ-ի, էջ 217):

Դա է պարճառը, որ հիմնական թիրախը դառնում են պապի մոտ ղեկավար գնացած Գրիգոր արքեպիսկոպոսի առաջնորդության փակ եղող Փիլիպոպոսի շրջանի հայերը²⁸:

Պատահական չէ պարմիչի հիշած հրամանը, որ պապն արձակում է Գերմանիայի, Ֆրանսիայի և Անգլիայի թագավորների ու առաջնորդ եպիսկոպոսների առջև. «Նայոց պապրիարզն յայնկոյս ծովու իշխանութիւն կալցի ի վերայ Նայոց և Յունաց և ամենայն ազգաց քրիստոնէից մեք յայսմ կողմանէ երկնաւոր և երկրաւոր բանալեօք»²⁹: Արեւելքի քրիստոնեական ճամբարում Նայոց Եկեղեցուն գերագահ և առաջապար դիրք վերապահելու պապի այս քայլը բացահայտ հարված էր Բյուզանդիայի քաղաքական և հոգևոր հեղինակությանը: Դա պետք է արձագանք գտնէր կայսրության քաղաքականության մեջ³⁰:

1187 թ. իսլամի ներհավարքային վեճերը հարթած և մոսուլմաններին մի դրոշի փակ հավաքած Սալահ ադ-Դինը գրավում է Արեւելքում հիմնված խաչակրաց իշխանությունների ողնաշարը հանդիսացող Երուսաղեմը՝ գերի վերցնելով Երուսաղեմի թագավորին և մեծաթիվ իշխանավոր դուքսերի: Նալեպի ամիրայության կողմից 1140-ականներին Եդեսիայի կոմսության կործանումը Եվրոպայում առաջ բերեց խաչակրության նոր ալիք, որը, սակայն, Էսկան ոչ մի փոփոխություն չմտցրեց Մերձավոր Արեւելքի և մասնավորապես Միջերկրականի արևելյան ափերի պետությունների քաղաքական քարտեզի մեջ: Եգիպտոսի սուլթանի կողմից 88 փարի քրիստոնյաներին պարկանած Սուրբ քաղաքի գրավումը խաչակրաց նոր՝ երրորդ արշավանքի պարճառ դարձավ, արշավանք, որ ամենահզորն ու մեծաքանակն էր եղածների մեջ և հայտնի է «արքաների խաչակրություն» անունով: Այն զլխավորում էր Գերմանիայի (Նոմեական սրբազան կայսրություն) կայսր Ֆրիդրիխ Բարբարոսան՝ ուղեկից ունենալով Անգլիայի Ռիչարդ Առյուծասիրտ և Ֆրանսիայի Ֆիլիպ Օգոստոս արքաներին:

Նոմ մեկնած վերոհիշյալ պարվիրակության նկարմամբ պապի չափից ավելի խանդավառ վերաբերմունքը կապված էր պապական աթոռի՝ Գ. խաչակրության նախաշեմին Նայոց Եկեղեցու և Ռուբինյան հզոր իշխանապետության աջակցությունը ձեռք բերելու, Արեւելքում ունեցած ակնկալիքների ու քաղաքական ծրագրերի հետ: Դրանից ելնելով է պապական աթոռի նոր գահակալ Կղեմես Գ-ն (1187-1191) մինչև խաչակիր բանակների Կիլիկիա հասնելը հաստիք նամակներ ուղարկում Գրիգոր Դ Նայրապետին և Լևոն իշխանին՝ խնդրելով հնարավորինս չափ օգնել Սուրբ Երկիրն ազատագրելու եկողներին³¹:

28 Նարկ է նշել, որ դավանական հողի վրա իրագործվող հալածանքների հետևանքով հայերը բռնությամբ կամ կամավոր ընդունում էին քաղկեդոնականություն: Գաղտնիք չէ, որ հիշյալ շրջանից էլ առաջ բավական մեծ թվով հայեր կային բյուզանդական հոգևորականների կազմում: ԺԱ դարում, օրինակ, հենց Փիլիպոպոսում հիմնվել էր հայ-վրացական քաղկեդոնական վանք, որի հիմնադիրն էր Գրիգոր Բակուրիանը (այս մասին տես Վ. Ա. Նարությունովայի «Գրիգոր Պակուրիանը (Բակուրյանը) և Պերքիծոնում վանք հիմնելու նրա նպատակները» հոդվածը «Մառը և հայազիպության հարցերը» գրքում, Եր., 1968, էջ 167-192:

29 Վարդան Բարձրբերդեցի, Պատմություն Տիեզերական, էջ 176: Օրմանյանը մրացածին է համարում այս խոսքերը (**Մաղաքիս արք. Օրմանեան**, Ազգապատում, էջ 1738-1739):

30 Պարմիչը փայլա է նաև հոգևորականության վերաբերյալ փոխյունը. «ուր կային երեք աթոռ եպիսկոպոսութեանն և հազար վեց հարիւր քահանաք, զորս ի մի հաաքեալ բռնադարեւ» (տես **Վարդան Բարձրբերդեցի**, էջ 175), ինչից կարելի է գտնել մուրավոր պարկերացում կազմել կայսրության փարածքում ապրող հայերի թվի մասին:

31 Մ. Չամչյանը մասամբ մեջբերում է նամակը (հ. Գ, էջ 155-156): Տես նաև **Ղ. Ալիշան**, Մխուսան, էջ 446: **А. Анянский**, укр. соч., էջ 210:

Դեռևս Լուկիոս Գ. պապը ծխական մի քանի հարցեր էր առաջադրել³², իսկ Կղեմես Գ-ն որևէ պայման չի դրել՝ խնդրելով ուղղակի աջակցել խաչակիրներին: Լուկիոս պապն իր ջերմ վերաբերմունքով փորձել էր սպելծել դրա նախադրյալը³³: Կաթողիկոսի և պապի միջև քաղաքական և կրոնական բանակցությունները հույների շրջանում այն կարծիքն էին ձևավորել, որ հայերը գերմանացիների հետ «փոխադարձաբար համաձայն են բազմաթիվ հերերիկոսական ուսմունքներում»³⁴: Սակայն իրականությունն այն է, որ հույների կողմից արևակամորեն կրոնական հարածանքների ենթարկված հայերի համար խաչակիրների գալուստն իսկապես ուրախալի էր, ինչի մասին էլ հիշում է բյուզանդացի պատմիչ Նիկեդաս Խոնիատեսը. «Իրականում միայն հայերն էին գերմանացիների գալուստը ոչ թե ազգերի ներխուժում, այլ բարեկամների այց համարում»³⁵: Հայերի ջերմ վերաբերմունքի մասին վկայում է նաև արշավանքների ուղեկից գերմանացի պատմիչը³⁶:

Հույների նենգ մարտավարությանը ծանոթ Ֆրիդրիխ կայսեր սոված բանակի համար իսկապես փրկության ափ էր Կիլիկիան³⁷: Կիլիկիայի հայոց հոգևոր և աշխարհիկ գահակալների համար այնքան էլ դյուրին չէր թիկունքում Սալահ ադ-Դինի պես հզոր մեկին ունենալով՝ բացահայտ ընդառաջ գնալ խաչակիրներին: Նրանք սրիաված էին դիվանագիտական ճկուն խաղ խաղալ՝ նրանցից որևէ մեկի գոհը չդառնալու համար: Հարկանշական է Գրիգոր Տղայի քաղաքականությունը, նա բարեկամական նամակներ է գրում եւ՝ Ֆրիդրիխ կայսերը, եւ՝ Սալահ ադ-Դին սուլթանին³⁸: Ուշադրության արժանի է այն հանգամանքը, որ չնայած Կաթողիկոսն ու Ռուբինյան իշխանը գործում էին ներքին համաձայնությամբ, ուրիշների հետ, սակայն, հանդես էին գալիս առանձին-առանձին, քանի որ շարք դեպքերում Ռուբինյան իշխանի համար վրանգավոր քայլը կարող էր շարք դյուրին լինել Հայոց Հայրապետի համար: Եղած փոխանքները հաճախ այն եզրահանգմանն են բերում, որ թե՛ Գերմանիայի Ֆրիդրիխ կայսեր, և թե՛ Եգիպտոսի սուլթան Սալահ ադ-Դինի մոտ Ամենայն Հայոց Կաթողիկոսն ավելի հեղինակություն էր վայելում, քան Կիլիկիայի իշխանապետը: Չնայած Լեոնին գրած իր նամակներին՝ Ֆրիդրիխ Բարբարոսան Գրիգոր Տղային ուղղված նամակում ասում է. «Ահա ունիմ թագ և զգեստ, զի օժցես թագաւոր Հայոց զով որ ընտրես»³⁹՝ գահի թեկնածու առաջադրելու իրավունքը թողնելով Կաթողիկոսին⁴⁰: Իսկ արաբ պատմիչը

32 Դրանց մասին փնտժում է **Մ. Չամչեանց**, հ. Գ, էջ 143-145, նաև **Մաղաբիա արք. Օրմանեան**, Ազգապատմություն, էջ 1737-1738:

33 Տե՛ս **Դ. Микаелян**, укр., соч., с. 25.: Քաղաքական շահերով առաջնորդվող պապի համար արշավանքին օգտակար լինելու պարզապես հայերը դավանական ու ծխական որևէ շեղում չունեն և նրանց կաթողիկոս Գրիգոր Դ Տղան «որպես ճշմարիտ քրիստոնեայ» է մեծարվում պապի նամակում (փնտժում է **Ա. Տեր-Միքելեան**, Միջին դարերի կաթողիկոսական ձգտումներն եկեղեցական խաղաղության համար, էջ 143):

34 1189 թ. Փիլիպուպոսի կառավարիչ նշանակված Նիկեդաս Խոնիատես պատմիչը նկարագրում է խաչակրաց բանակների մուտքը Փիլիպուպոսի՝ նշելով, որ բնակիչները փախել էին քաղաքից և «եթե որևէ մեկն էլ մնացել էր, ապա կան աղքատ էր, որի ունեցվածքը իր հագուստն էր, կան էլ հայ էր» (**Никита Хониат**, с. 25):

35 **Никита Хониат**, с. 25.

36 Տե՛ս **Ա. Բոգդյան**, Վավերագրեր, էջ 219:

37 Ֆրիդրիխ Շիկամորտսն իր հերթին արդեն երեք նամակ էր ուղարկել Լեոն Բ-ին՝ իր բանակին աջակցելու համար: Տե՛ս նաև **Ա. Аниский**, укр. соч., с. 210:

38 Դրա մասին մանրամասն խոսում են Կ. Մութաֆյանը (նշվ. աշխ. էջ 152-154) և Վ. Վարդանյանը (Գրիգոր Դ Տղա Հայրապետը ժամանակի դավանական և քաղաքական խաչողիկներում, էջ 89-90):

39 **Վարդան Բարձրբերդեցի**, Պատմություն Տիեզերքական, էջ 179:

40 Այսպես կարելի է նշել Հայոց կաթողիկոսության քաղաքական այն մեծ դերը, որ կարարում էր նա իշխանապետությունը հզորացնելու և թագավորության վերածելու ուղղությամբ: Վստահ կարող ենք ասել, որ Ֆրիդրիխ Շիկամորտսի այս խոսքերը պարահական չէին, այլ հեղեանք էին Գրիգոր Դ-ի նամակների

Սալահ ադ-Դինին նամակ գրած Նայոց Կաթողիկոսին կոչում է այսպես. «Նայասարանի պե-
րը՝ Կալաթ ար-Ռումի րեբը, ապահովված լինելով այդ ամուր դոյակի մեջ, շրջապատված
Եփրատի հարկաբու բնակչությամբ՝ սուլթանին ուղղեց մի նամակ՝ լի խորհուրդներով ու հո-
գածությամբ, որի մեջ նա ցույց է տալիս մուսուլման երկրների նկատմամբ իր մտադրություն-
ներ՝ վերհանելով արշավող բանակի ուժը և նրա դեմ գնացող բանակների թուլությունը»⁴¹։
Թերևս «Նայասարանի պեր» կոչելու հիմք տալիս է այն, որ Նայոց Նայրասարի հոգևոր
իշխանության ներքո էին գտնվում ոչ միայն Կիլիկիայի, այլև նրան հարակից փարաքսների
ու բուն Նայասարանի բոլոր հայերը։

Տարև է ելել, որ Նայոց կաթողիկոսարանի միջազգային հեղինակության բարձրացման
ամենաազդի ընկնող շրջանը հենց ԺԲ դարն է՝ Գրիգոր Գ Պահլավունու, Ներսես Շնորհա-
լու և Գրիգոր Դ Տղայի կաթողիկոսության տարիները։ Վերջինիս մահից հետո Կիլիկիայի
թագավորներն ամեն կերպ ձգտում են Կաթողիկոսարանը իրենց ազդեցությանը ենթարկել,
ինչի ապացույցն են Գրիգոր Ե Քարավեժի (1193-1194), Գրիգոր Զ Ապիրարի (1195-1203)
և մյուսների ընտրություն-նշանակումները⁴²։

Ստեղծված քաղաքական խառնաշփոթի մեջ Ռուբինյան գահակալ Լեոն Բ իշխանը
փորձում է հնարավոր միջոցներով իր երկրի համար օգտակար դարձնել իրավիճակը՝ պա-
սիվ ու Գերմանիայի կայսրից թագ ստանալու խոստում կորզելով։ Ինչպես հայտնի է, մահ-
մեղական աշխարհին ևս ու սարսափ ներշնչած այս ռազմարշավը չհասավ իր նպատակին։
Արաբ մարտնադիրը, ի տարբերություն Ֆրիդրիխ կայսեր մահվան մասին պատմող գրեթե
բոլոր պատմիչների, խոսում է ոչ թե խեղդվելու, այլ հիվանդությամբ մահանալու մասին.
«...փափագ ունեցավ լողանալ սառը ջրի մեջ, որը և կատարեց, բայց ջրից դուրս գալուց հե-
տո, Աստծու կամքով, նրա վրա ծանր հիվանդություն եկավ ջրի սառնության հետևանքով
ու մի քանի օր տառապելուց հետո մեռավ»⁴³։ Կալիկադոնոսի ջրերում խեղդված առաջնոր-
դի փոխարեն գահակալներից ոչ ոք չկարողացավ համախմբել խաչակիր ուժերին, որոնց
առանձին-առանձին գործելու արդյունքում ձեռքբերումն այնքան էլ մեծ չեղավ, եթե չհաշ-
վենք անգլիական Ռիչարդ Առյուծասիրտ թագավորի կողմից Աքքայի գրավումն ու առանց
Երուսաղեմ քաղաքի Երուսաղեմի թագավորության պահպանումը։ Հռոմեական սրբազան
կայսրության գահակալի մահվամբ հետաձգվեց նաև Լեոնի թագ ստանալը⁴⁴։

ազդեցության։

41 Տե՛ս **Ալ-Կադի Բահադդին իբն Շադդադ**, Այյուբյան Սալահադդինի կենսագրությունը, Արաբական
աղբյուրները Նայասարանի և հարեան երկրների մասին, կազմեց՝ Ն. Թ. Նալբանդյան, Երևան, 1965, էջ 302։
Այլշանը կասկածի տակ է դնում Գրիգոր Տղայի նամակ գրելը Սալահ ադ-Դինին («Միստան», էջ 447)։

42 Տե՛ս **Մ. Չամչեանց**, հ. Գ, էջ 159-188։ **Մ. Օրմանեան**, Ազգապատմություն, հ. Ա, էջ 1751-1870։

43 Տե՛ս **Ալ-Կադի Բահադդին իբն Շադդադ**, էջ 296։ Սա, ըստ իբն Շադդադի, ասվում է Նայոց Կաթողիկոսի
նամակում (նամակը տե՛ս էջ 294-297)։ Կայսեր մահվան պատմությունը քիչ անց պատմիչը համառոտ
վերապատմում է (էջ 297)։

44 Թագադրության հետաձգման քաղաքական ու դիվանագիտական պարտաճանրերը տես՝ **Ղ. Ալիշան**,
Միստան, էջ 463։ Իսկ Գերմանիայի կայսեր խոստումով Լեոնը «արդեն իրաւամբ և բարոյապէս թագաւորեալ
էր», ինչպես կարծում է Ղ. Ալիշանը և զարմանալի չի համարում 1194-ին Լամբրոնացու կողմից (ի նկատի ունի
«Թուլթը առ Լեոն»-Գ. Ա.) թագավոր կոչվելը։ Մ. Օրմանյանն էլ նույն կարծիքն է հայտնում. «Լեոն արդէն իբր
թագաւոր ընդունուած էր իրենեւրեւ, և այնպէս ալ կը ճանչցուէր օրաբնեւեւ» (**Մաղաքիա արք. Օրմանեան**,
Ազգապատմություն, հ. Ա, էջ 1785)։ Գրիգոր Սկեռացին էլ Լամբրոնացու Կոստանդնուպոլիս գնալը ներկայացնում է
որպես «ըստ թագաւորական հօր որամանի» (տե՛ս **Ղ. Ալիշան**, Նայասարան, Վենետիկ, 1901, էջ 424, հմմտ. **Գր.
Նակոբյան**, Ներսես Լամբրոնացի, Երևան, 1971, էջ 80-81)։